



Nezavisna komisija za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije  
i druge mjere koje je izrekao u krivičnom postupku Sud Bosne i Hercegovine,  
strani sudovi za djela predviđena Krivičnim zakonom Bosne i Hercegovine  
ili međunarodnim ugovorom čiji je potpisnik Bosna i Hercegovina  
ili drugi sud u skladu sa zakonom Bosne i Hercegovine

---

Broj: 05/6-50-13-27-29-3/18

Sarajevo, 18. 4. 2018.

## ZAPISNIK

**29. sjednice Nezavisne komisije za praćenje uslova boravka u zavodima,  
postupanje i poštivanje ljudskih prava lica nad kojima se izvršavaju krivične sankcije i  
druge mjere koje je izrekao u krivičnom postupku Sud Bosne i Hercegovine, strani  
sudovi za djela predviđena Krivičnim zakonom Bosne i Hercegovine ili međunarodnim  
ugovorom čija je potpisnica Bosna i Hercegovina ili drugi sud u skladu sa zakonom  
Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu 18. 4. 2018, s početkom u 17 sati.

**PRISUTNI ČLANOVI NEZAVISNE KOMISIJE:** Mile Lasić, predsjednik  
Nezavisne komisije, Azra Alajbegović, prva zamjenica predsjednika, Brana Spasojević,  
druga zamjenica predsjednika, Aleksandar Faladžić i Vedad Gurda, članovi.

**OSTALI PRISUTNI:** Ivana Lovrić, koja obavlja poslove sekretara Nezavisne  
komisije.

Sjednicu je sazvao Mile Lasić, predsjednik Nezavisne komisije. Nakon što je  
konstatirao da postoji kvorum za rad, otvorio je 29. sjednicu.

Prije usvajanja dnevnog reda predsjednik Nezavisne komisije Mile Lasić predložio je  
dopunu dnevnog reda. U sklopu tačke Tekuća pitanja predložio je dopunu podtačkama b)  
Informacija sa sjednice Predstavničkog doma Parlamentarne skupštine BiH i c) Informacija o  
prispjeloj predstavi zatvorenika Kazneno-popravnog zavoda Zenica.

Nezavisna komisija je jednoglasno, uz određene dopune, usvojila sljedeći

## **DNEVNI RED**

1. Usvajanje Zapisnika 28. sjednice Nezavisne komisije;
2. Razmatranje pitanja poslanice u Predstavničkom domu Parlamentarne skupštine BiH Maje Gasal-Vražalice upućenog Nezavisnoj komisiji, broj: 01-50-1-15-60/18 od 10. 4. 2018;
3. Tekuća pitanja:
  - a) Plan aktivnosti za maj 2018. godine,
  - b) Informacija sa sjednice Predstavničkog doma Parlamentarne skupštine BiH,
  - c) Informacija o prispjeloj predstavi zatvorenika Kazneno-popravnog zavoda Zenica.

### **Ad. 1. Usvajanje Zapisnika 28. sjednice Nezavisne komisije**

Zapisnik 28. sjednice Nezavisne komisije usvojen je jednoglasno, bez primjedbi.

### **Ad. 2. Razmatranje pitanja poslanice u Predstavničkom domu Parlamentarne skupštine BiH Maje Gasal-Vražalice upućenog Nezavisnoj komisiji, broj: 01-50-1-15-60/18 od 10. 4. 2018.**

Nakon detaljnog razmatranja pitanja poslanice u Predstavničkom domu Parlamentarne skupštine BiH, članovi Nezavisne komisije jednoglasno su utvrdili odgovor koji će biti prosljeđen poslanici.

### **Ad. 3. Tekuća pitanja**

#### **a) Plan aktivnosti za maj 2018. godine**

U okviru ove podtačke članovi Nezavisne komisije dogovorili su da se naredna sjednica Nezavisne komisije održi 10. 5. 2018. Također, dogovoreno je da se isti dan održi sastanak s pomoćnikom ministra pravde BiH Mustafom Bisićem te posjeti Jedinica za izgradnju državnog zatvora.

## **b) Informacija sa sjednice Predstavničkog doma Parlamentarne skupštine BiH**

S obzirom na to da se uporedo s održavanjem sjednice Nezavisne komisije održavala i sjednica Predstavničkog doma Parlamentarne skupštine BiH na kojoj je bio razmatran Izvještaj o radu Nezavisne komisije za 2017. godinu, predsjednik Nezavisne komisije Mile Lasić napravio je kratku pauzu radi prisustva sjednici Predstavničkog doma.

Na nastavku sjednice Nezavisne komisije predsjednik je informirao ostale članove Nezavisne komisije o dešavanjima na sjednici Predstavničkog doma i raspravi koja se vodila u vezi sa Izvještajem o radu Nezavisne komisije za 2017. godinu.

## **c) Informacija o prispjeloj predstavi zatvorenika Kazneno-popravnog zavoda Zenica**

U okviru ove podtačke dnevnog reda predsjednik Nezavisne komisije informirao je članove o prispjeloj predstavi zatvorenika Kazneno-popravnog zavoda Zenica. Dogovoreno je da predstavka bude predmet rasprave na narednoj sjednici Nezavisne komisije.

Predsjednik Nezavisne komisije Mile Lasić zaključio je sjednicu u 19 sati.

**SEKRETARKA**

**NEZAVISNE KOMISIJE**

Ivana Lovrić

**PREDSJEDNIK**

**NEZAVISNE KOMISIJE**

Dr. sc. Mile Lasić